

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 02-88/17 od 13.01.2017. godine), zaključuje se

UGOVOR O PRUŽANJU USLUGA

Između ugovorenih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr Samim /Malić/ Konjicija (u daljem tekstu: Ugovorni organ)

i

Bosna Sunce osiguranje d.d. Sarajevo, Podružnica Sarajevo, sa sjedištem na adresi Trg međunarodnog prijateljstva br. 20, ID broj: 4200213140080, koga zastupa direktor Podružnice Alen Hujčić (u daljem tekstu: Pružaoc usluga)

Član 1. (Predmet Ugovora)

Predmet ovog Ugovora o pružanju usluga (u daljem tekstu: Ugovor) je pružanje usluga osiguranja od opasnosti požara i nekih drugih opasnosti, osiguranja opreme, namještaja i inventara sa mašinama i aparatima koji služe za obavljanje djelatnosti, osiguranja od opasnosti provalne krađe i razbojništva na "Prvi rizik" i osiguranja stakla od loma za objekte Upravna zgrada - Objekat 43 (prizemlje i tri sprata), Objekat "A" - 48 (hacijenda) - prizemlje, Objekat "B" - 16 (mali amfiteatar) - prizemlje i Objekat "C" - 11 (veliki amfiteatar) - prizemlje, od Pružaoca usluga za potrebe Ugovornog organa a po osnovu direktnog sporazuma zaključenog između ugovorenih strana.

Član 2. (Obaveze Pružaoca usluga)

Pružaoac usluga se obavezuje da će pružiti sljedeće usluge u toku 2017. godine:

1. Da će usluge osiguranja iz člana 1. ovog Ugovora pružiti u skladu sa sadržajem i pratećom dokumentacijom iz Ponude, koja je sastavni dio ovog ugovora.
2. Da će se prilikom isplate visine naknade iz osiguranja ukoliko nastupi osigurani slučaj pridržavati:
 - Općih uvjeta za osiguranje imovine
 - Uvjeta za osiguranje od opasnosti požara i nekih drugih opasnosti;
 - Uvjeta za osiguranje opreme, namještaja i inventara sa mašinama i aparatima koji služe za obavljanje djelatnosti;
 - Uvjeta za osiguranje od opasnosti provalane krađe i razbojništva na "Prvi rizik";
 - Uvjeta za osiguranje stakla od loma.

Obaveza Pružaoca usluga po osnovu osiguranja nastaje izdavanjem police u kojoj su navedene osigurane svote za svaki slučaj rizika.

Pružaoac usluga se obavezuje da će po prijavi o nastalnom osiguranom slučaju, najkasnije u roku od 3 (tri) dana pristupiti izvidu, utvrđivanju i procjeni štete.

Pružaoac usluga se obavezuje da će izvršiti isplatu osigurane svote u roku od jednog dana od dana prijema kompletne dokumentacije.

Član 3. (Obaveze Ugovornog organa)

Ugovorni organ se obavezuje da će:

- ukoliko nastupi osigurani slučaj usmeno i pismeno obavijestiti Pružaoca usluga o istom, u roku od 3 (tri) dana.

Član 4.

(Povjerljivost)

Ugovorene strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.
(Naknada i način plaćanja)

Ukupna cijena usluge iznosi 2.613,71 KM bez PDV-a (dvijehiljadešeststotinatrinaest i 71/100KM) za period od 01.01.2017. godine do 31.12.2017. godine.

Ugovoreni iznos naknade će se platiti na žiro račun Pružaoca usluga, kod odgovarajuće banke u Bosni i Hercegovini.

Pripadajući porez će se obračunati i platiti u skladu sa zakonom.

Član 6.
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 7.
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorene strane svojeručno ga potpisuju.

ZA PRUŽAOCA USLUGA



Direktor, Alen Hujčić

ZA UGOVORNI ORGAN

Dekan, prof.dr Samim Konjicija

Broj: 02-239/17
Datum: 20.01.2017